

Oqaluuserisassanut nassuiaat.

(Inatsisartut Siulittaasuut)

Immikkoortoq 132-p aappassaaneerneqarnissaata kinguartinneqarnissaa Naalakkersuisunit qinnutigineqarpoq:

Inuussutissalerinnermut aamma uumasut nakorsaqaqarnannut tunngasunut suliassaqaqarfiup tamakkiisumik tiguneqarnissaat pillugu nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Pineqartut tiguneqarnerisigut inatsisilerinikkut allaffissornikkullu aallaavissat sukumiinerusut, taamatullu aamma pilersitsinnermut ingerlatsinnermullu aningaasatigut kingunerisassat nassuiaammi allaaserineqassapput. Suliassaqaqarfiup ulluinnarni ingerlanneqarsinnaaneranut, sulisussarsiniartarnejq ilanngullugu, periarfissat nassuiaammi nalilersorneqassapputtaaq. Nassuiaat Inatsisartunut UPA2020-mi saqqummiunneqassaaq. Ulloq oqaluuserineqarfissaa kingusinnerusukkut paasissutissiissutigineqassaaq.

Immikkoortut 54 aamma 178 aappassaaneerneqarnissaat qinnuteqartoqarneratigut ulloq 24. oktoberimut kinguartinneqarpoq.

Immikkoortoq 54:

Ulloq 1. juuli 2020 aallarnerfigalugu ATV-nut qamuterallannullu akitsuutit peqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Immikkoortoq 178:

Najukkami sukkulinnik soorlu sikunik kaaginillu tunisassiortartut unammillersinnaassusaat qaffassarniarlugu sukkunut akitsuutinik utertitsisarnermut aaqqissuussinerup atuuteqqilernissaa eqquteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Utertitsisarnermut aaqqissuussineq eqquteqqinneqassaaq ulloq 1. januaari 2020 aallarnerfigalugu.

Immikkoortoq 39-p aappassaaneerneqarnissaa kinguartinneqassasoq Inuussutissarsiornermut Aatsitassanullu Ataatsimiititaliamit qinnutigineqarpoq. Aappassaaneerneqarnissaa ulloq 6. novemberimut kinguartinneqarpoq.

Immikkoortoq 39:

Aningaasanut inatsimmi konto pingaarnejq 64.01.05 naapertorlugu inuussutissarsiuutitigut nunaqaqarfinnut isorliunerusunullu siuarsaanermik tapiissutinik suliassap ulloq 1. januar 2020 aallarnerfigalugu Namminersorlutik Oqartussanit kommuninut nuunneqarnissaannik, apeqqutillu tassunga attuumassuteqartup 2019-p ingerlanerani kommuninik ataatsimoortumik

tapiissutinik isumaqatiginninniarnermut ilanngunneqarnissaanik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut.

Immikkoortoq 24-p aappassaaneernejarnissaata pingajussaaneernejarnissaatalu kinguartinneqarnissaat Inuussutissarsiornermut Aatsitassanullu Ataatsimiititaliamit qinnutigineqarpoq:

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. xx, xx. xxx-imeersoq.

Ullut oqaluuserineqarfissaat nutaat kingusinnerusukkut paasissutissiissutigineqassapput.

Ilaasortat uku akornanni taasisarnerit pillugit isumaqatigiissuteqartoqarpoq:

Hans Enoksen, Parti Naleraq aamma Aleqa Hammond, Nunatta Qitornai